



UNIVERSITÄTS-
BIBLIOTHEK
PADERBORN

Conceptvs Chronographicvs De Concepta Sacra Deipara

Zoller, Joseph

Augustæ, Anno 1712

Augustissimæ Potentissimæ, Invictissimæ Cœli, Terræque, Reginæ, Ac
Dominæ, Agni Divini Immaculati Immaculatæ Matri, Mulieri Amictæ Sole,
Stellis Duodecim Coronatæ, Ac Lunam Sub Pedibus Gerenti, Mariæ ...

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)



AUGUSTISSIMÆ
POTENTISSIMÆ, INVICTISSIMÆ
COELI, TERRÆQUE, REGINÆ,
AC DOMINÆ,
AGNI DIVINI IMMACULATI
IMMACULATÆ MATRI,
MULIERI AMICTÆ SOLE,
STELLIS DUODECIM CORONATÆ,
^{AC}
LUNAM SUB PEDIBUS GERENTI,
M A R I Æ
SINE OMNI LABE
CONCEPTÆ,
COELESTIUM DECORI,
TERRESTRIVM AMORI,
INFERORVM TERRORI,
Draconis septem capitum, magni, rufi &c.
MAGNÆ, AC CANDIDÆ
EX SEPTEM CAPITIBUS
DEBELLATRICI,
SÆCULORVM NEGOTIO,
GRATIARVM COMPENDIO,
MATRI MISERICORDISSIMÆ,
DOMINÆ CLEMENTISSIMÆ.



EPISTOLA DEDICATORIA.



Vereretur certè, AUGUSTISSIMA COELITUM REGINA, DOMINA CLEMENTISSIMA! ante splendidissimum immaculatæ Majestatis *Tuæ* Thronum se sistere meus hic Conceptus Chronographicus, de Conceptione tuâ purissimâ institutus, nisi in *Te* veneraretur Reginam illam felicissimam, quæ *astitit à dextris* Principis gloriæ, potentis in prælio, Domini virtutum, *in vestitu deaurato* Divinæ charitatis, *CIRCUMDATA* *Varietate* omnigenarum gratiarum: quarum consortio annumerari utique illam oportet gratiam, quæ ut omnium prima (in ipso nempe auspiciatissimæ Conceptionis *Tuæ* instanti) ita ad reliquas omnes similiter suscipiendas *Te* dignam reddere poterat, & debebat. Vereretur meus hic exiguus labor in publicam prodire lucem, nisi sciret, *Mulierem Te* illam, luce plenissimam, in Sacrà Apocalypsi cap. 12. v. 1. haud obscure præmonstratam, nec aliam ob rationem (ex melleâ Apis nostræ Clarevallensis sententiâ, *serm. super: Signum magnum*) *amictam Sole*, quàm propter peccati omnimodam immunitatem. Qui proinde incomparabilis splendor *Tuus*, ut eò magis illucescat omnibus, viam fortassè aperire poterunt folia hæc, præclarissimam præsertationem *Tuam* multipliciter explicantia. Vereretur tandem, O Creaturarum omnium Purissima, ac Beatissima! comparere Liber hic meus, non adeò à mendis liber, ante conspectum *Tuum*, *Libri*, omni momento à mendis quibuscunque liberrimi, LIBRI GENERATIONIS, sed non simul corruptionis, nisi speraret, ad utilitatem, & profectum quorundam saltem devotorum *Tuorum* non modicè conducturum, si Conceptionem *Tuam* ipsis exhibeat tanquam *Librum*, in quo non mortis, sed veræ Vitæ, non communis peccati, sed plenitudinis gratiæ, non Adami prævaricatoris, sed æterni Patris præservatoris legere possint characteres.

Scripsere quidem, O *Beatissima Virgo!* antiqui nostri Protoplasti grande generationis humanæ Volumen; sed tardis omnino ductibus, nec sine mendis, atque erroribus: Jesse Davidem scripsit, sed adulterio infamem: David Salomonem, sed Fidei desertorem: Salomon Roboamum, sed imprudentem: Achaz Ezechiam, sed jactabundum: Ezechias Manassen, sed crudelem: scripserunt alii errores alios, aureis quidem

Epistola Dedicatoria.

dem subinde notis, sed non sine criminis atramento: rectas Virtutum lineas, sed vitiiis interpunctas: vitæ calamo, sed charactere mortis; *Tu* verò sola, ceu *Liber* in prælo amoris Divini in primo instanti impressus, licet nunquam fuerit correctæ prima illa editio *Tua*, correctissima tamen prodiisti, beneficio *Scribæ*, tam feliciter, quàm *velociter scribentis*, ac inscribentis VERBUM VITÆ ex *Te* nasciturum, omnis maculæ, mortisque exclusivum. Cujus etiam *Libri* ut character nitidior magis legentium invitaret oculos, Typum adhibuit aureum purissimus Amor, & membranas Virgineas, tam in Conceptione candidas, ut Agnus absque maculâ suum inde postmodum Vellus assumere, mundoque, quantus est DEUS, comparere ex *Te* voluerit. Tametsi enim tales quidem sint reliquæ omnes creaturæ, ut earum quælibet aliquam saltem de Summo, ac Divino Bono nobis notitiam ingerat, adeo, ut per ea, quæ facta sunt, *Factorem* ipsum suo modo conspiciere frequenter admodum valeamus, sicque è Mundi caducis DEI Firmitatem, è temporaneis Æternitatem, Potentiam à creatione, Bonitatem à conservatione, Providentiam concludere possimus à regimine: Quamvis etiam talis sit *Liber* ille, quem Sacræ Scripturæ nomine meritò nuncupamus, ut vel in eo solo legere detur DEUM, Ejusdemque non tantum Magnalia, verum etiam Attributa: E. G. Divitias atque Potentiam in Genesi, in Exodo Clementiam, Religionem in Levitico, Patientiam in Jobo, Fortitudinem in Josue, Justitiam in Regibus, Sanctitatem in Davide, Sapientiam in Salomone, Providentiam in Prophetis &c. In *Te* nihilominus, *Pulcherrima inter mulieres*, VIRGO IMMACULATA! velut in compendio, sine minimo gratiæ dispendio, contineri hæc omnia, certum est, per unicum illud *Verbum*, quod continet omnia; *Tu* enim es præclara illa ipsiusmet Munditiei, ac Sanctitatis primigeniæ effigies, ad cujus formam Virtus colorem, DEUS penicillum, umbram Spiritus Sanctus contulerunt: cui pro dignitate exornandæ non unus DEI digitus, sed tota AUGUSTISSIMÆ TRIADOS manus, *Patris* potentia, *Nati* Sapientia, Amor *sancti Spiritus*, communî machinamento, *ab initio*, & *ante sæcula* incubuit: Ut nihil omnino reperiri possit Virtutis in homine, perfectionis in Angelo, vel excellentiæ post DEUM, quod non plenâ manu in *Te* Ipse congefferit, nihil deformitatis in erbo, impietatis in mundo, pravitatis quondam in Cælo, quod non omni custodiâ à *Te* ipse averterit: *Tu* es charta illa Virginea candidissima, cui perennaturæ pacis articulos placatum Numen inscripsit. *Tu* denique *Liber* es incomparabilis, haud immeritò Censuris præclarissimis commendatus, quem reprobare nemo potest, nisi reprobus. Et sanè Cœtus Angelici Coryphæus Gabriel, dum *gratiâ plenam* TE enuntiavit, quid aliud fecit, quàm quòd omnîs *Tibi* laudis prætexuerit Epitomen? Perspicax deinde Aquila Joannes, ubi *Te* ex Domini Testamento recepit in sua, nonnè conatus est quidem describere *Librum*, & exorsus à capite, scrip-

Epistola Dedicatoria.

fit *Verbum*, quod erat apud *DEUM*, & *DEUS* erat *Verbum*, c. 1. v. 1. ? Verùm cùm in uno hoc *Verbo* Myfteriorum finem invenire haudquaquàm posset, abstinuit calamum, candidè professus, si Liber foret Mundus, capere *DEUM* non posse, quem tamen *Tu* Virgo concipere immaculatè concepta meruisti. In *Tui* præterea æstimationem, ac dignissimam *Libri* Censuram Dionysius certè discipulus non multùm infrà Joannem magistrum fuit; vix enim oculus Areopagitæ hujus inspererat *Te*, Virgineum volumen, & impar fui, cùm cerneret, characteres esse Divinos, penè legisset *DEUM*, nisi conspicio Fidei adjutus, cognovisset, esse *DEUM* Authorem hujus *Libri*, Censorem, & Patronum. Verbo, qualis futurus esses Liber? *Beatissima Beatorum Parentum proles!* dum concipereris, ac antequàm esses, iidem etiam Parentes *Tui* docuerunt, Joachim *Præparationem Domini*, Anna *Gratiam* locuta.

Quæ omnia cùm ita sint, dignare me quoque laudare *Te Virgo sine labe!* per *Conceptum* hunc *Chronographicum*, occasione Sæculi nostri septimi Udalricani compositum, ac septingentis *Chronographicis* in laudes *Tuas* instructum: ad confundenda nimirum, ex septem Capitibus, septem illa impia *Draconis magni, rufi, capita*, Apoc. c. 12. v. 3. originariæ immunitati *Tuæ* temerario ausu insidiantia. *Dignare me*, inquam, *laudare TE*, qui non septingentis tantum, sed milliès millenis Maternæ pietati à *Te* mihi impensæ titulis, obstrictissimum me Clientem profiteor; Quamvis enim haud ignorem, nullo verborum encomio *Te* condecenter in hoc Opere à me laudandam, ac illustrandam, tametsi totidem tum Sacræ Scripturæ, Sanctorum Patrum, ac Rationum, tum etiam Historiarum, Symbolorum, Antiquitatum, ac Anagrammatum suffragiis id efficere conatus fuero: quia nimirum tota Divino Sole amicta, unico illo *Verbo*, quod *Caro* in *TE factum est*, laudaris, ac illustraris fati; attamen, quemadmodum eò plerumque redire videmus Flumina, unde suam illa traxerunt originem: ita *Conceptus* etiam meus *Chronographicus*, quantumvis exiguus, laudibusque *Tibi* debitis per omnia impar, de sublimi tamen immunissimæ *Tuæ* Conceptionis prærogativâ specialiter institutus, non alteri, quàm *Tuo* ipsius immaculato Nomini dicatus, consecratusque ad *Te* redire non veretur, eâ plenus fiduciâ, quòd non tam rei oblatae pretium, quàm filialem offerentis affectum, promptumque Clientis animum, Maternâ benignitate sis respectura; Satis namque dat, qui dat, quantum dare potest, nihil sibi reservando, imò semetipsum totum donando.

Obsecro autem, *Virgo Beatissima, Regina immaculata!* digneris mihi assistere gratiâ *Tuâ*, & sicut splendidissimum Solis jubar, in ima sese stagna demittens, receptâ ibidem pulcherrimâ suâ imagine, illuminare illa, ac illustrare non intermittit; sic *clarissima Majestas Tua, Sole circum-*

cum-

Epistola Dedicatoria.

cumdata, Stellisque coronata, quæ non tantùm in hoc Conceptu Chronographico, sed & in corde meo, semper impressam videbit manifestis characteribus Religiosæ devotionis, purissimam suam imaginem, non dedignetur, benigno obtutu illuminare servulum, in Dominae suæ patrociniū confidentem. Digneris insuper Opus hoc meum adeò inflammare, ut quot in illo Conceptus, in Conceptibus Paragraphi, in Paragraphis lineæ, in lineis verba, in verbis apices, tot sint flammulæ, quæ accendant in cordibus, ac pectoribus legentium, veram ac teneram devotionem, erga *Tuam* Sacram, ac prorsus immaculatam Conceptionem. Sicut denique *ab initio, & ante Sæcula creata*, per VII. jamjam Sæcula, quæ Sacer Divi Patriarchæ nostri BENEDICTI Ordo ad SS. UDALRICUM & AFRAM hic Augustæ, non sine magno Orthodoxæ Religionis emolumento, feliciter absolvit, Mater, ac post DEUM conservatrix, & protectrix nostra extitisti, ita hoc specialiter Anno Sæculari ad nos Maternè respicias; sit *Sæculum nostrum in illuminatione vultus Tui*, Psal. 89. v. 8. insuper *& usque ad futurum Sæculum non desinas*, devotos *Tibi* famulos conservare, tam credendæ, ac defendendæ Purissimæ Conceptionis *Tuæ* studiosissimos, quàm Honoris *Tui* cujuscunque (contra temerarios præsertim Sacræ *Tuæ* Imaginis violatores) propugnatores indefessos. Hoc dum precor, meumque exiguum *Conceptum* ad speciosissimos Pedes *Tuos* humillimè depono, Sacrum ac immaculatum Thronum *Tuum*, *Augustissima Cœlitum Regina!* venerabundus exosculator, Divinamque in *Te* Potentiam infimâ submissione adorans, perennes

Augustissimæ, ac perpetuùm Immaculatæ
Majestatis Tuæ.

Clientum Infimus

P. JOSEPHUS ZOLLER,
Ord. S. Benedicti,

LI.